

Ս. Բունուզյան

ՀԱՅ ԱՍՊԵՏՈՒԹՅՈՒՆԸ ԿԻԼԻԿՅԱՆ ՀԱՅԿԱԿԱՆ ՊԵՏՈՒԹՅՈՒՆՈՒՄ
XII—XIV ԴԱՐԵՐՈՒՄ

Կիլիկիայի հայկական պետությունը իր կազմավորման օրից մինչև կործանումը (1080—1375) մշտապես գտնվում էր միջազգային բարդ իրադրության մեջ, որը հետևանք էր այն բանի, որ Կիլիկիան շրջապատված էր բազմաթիվ թշնամաբար տրամադրված պետություններով, որոնք, սկսած XII դարից, հաճախ ներխուժում էին նրա տերիտորիան և սպառնում նրա զոյությունը: Հատկապես ճակատագրական էին Եգիպտոսի մամլուկների հաճախակի և պարբերական ներխուժումները, որոնք XIII դ. երկրորդ կեսից շարունակվեցին մինչև XIV դարի վերջին քառորդը և վերջնականապես կործանեցին Կիլիկիայի թագավորությունը: Այդպիսի միջազգային դրության մեջ, Կիլիկիայի պետության մշտական ապահովության խիստ անհրաժեշտ գործոններից մեկը կանոնավոր, մշտական և ուժեղ բանակի առկայությունն էր, նրա ռազմական տեխնիկայի ու մարտունակության բարձրացումը, որի թվական կազմը մեծ չափով ավելանում էր պատերազմի ժամանակ: Մշտական բանակ են պահել նաև Կիլիկիայի իշխաններն ու հատկապես սահմանամերձ շրջանների բերդատերերն ու սահմանապահ իշխանները:

Ինչպես հայտնի է, Բյուզանդիան 11-րդ դ. հայ թագավորներին ու ֆեոդալներին տեղափոխում էր Կապադովկիա, Սիրիա և Կիլիկիա՝ իրենց ռազմական ուժերով հանդերձ, հանձնելով նրանց վերոհիշյալ բյուզանդական պրովինցիաների սահմանամերձ բերդերի և ամրոցների պաշտպանությունը, նվիրելով նրանց ընդարձակ կալվածքներ, ղեկավարելով նրանց վասալական կախման մեջ¹:

Հետազայում, երբ Կապադովկիան և Սիրիան նվաճվեցին թուրք սելջուկների կողմից, այդ վայրերի հայ իշխաններն իրենց զորքերով փոխադրվեցին Կիլիկիա, որտեղ նույնպես ստանձնեցին սահմասային բերդերի պաշտպանությունը²: 11—12-րդ դարերում Կիլիկիայում Ռուբինյան իշխանության և ապա թագավորության ստեղծումից հետո վերոհիշյալ հայ իշխանների զորքերը մտան թագավորական բանակը և կազմեցին «հայոց հեծյալ»-ը, որը պահպանելով բուն Հայաստանի հայոց հեծյալի տրադիցիաները, նոր իրադրության մեջ կրեց որոշ փոփոխություններ, որոնցից հատկապես նշանակալից էր, արևմտաեվրոպական ազդեցության տակ հանդես եկած հայ ասպետությունը, որը, ի տարբերություն ևերևմտյան Եվրոպայում և խաչակրաց պետություննե-

¹ Տե՛ս «Ժամանակագրություն Միքայելի Ասորոյ սլատրիարքին», Յերուսաղեմ, 1871, էջ 198, հմտ. Chronique Michel le Syrien. Paris, 1905, p. 133. տես նաև «Հումայ», 1899, էջ 89; Տե՛ս նաև A. H. Sayce, Les Hittites, Histoire d'un empire oublié. Paris, 1891, p. 250.

² «Մատթեոսի Ուռհայեցոյ ժամանակագրություն», Վաղարշապատ, 1898, էջ 151, 213:

բում հանդես եկած ասպետության, ուներ բոլորովին այլ առաքելություն: Նրա հիմնական նպատակն էր, ոչ թե ուրիշի երկրների զավթումը, ինչպես այդ տեսնում ենք ասպետական հոգևոր օրդենների մոտ, այլ Կիլիկիայում ստեղծված հայ պետության և նրա բնակչության ֆիզիկական գոյության և ունեցվածքի պաշտպանությունը:

Նախքան բուն ասպետության հարցին անցնելը, մենք նպատակահարմար ենք գտնում որոշ շափով անդրադառնալ Կիլիկյան հայկական պետության բանակի, հատկապես նրա կորիզը կազմող հայոց հեծյալի հարցին, ապա ցույց տալ հայ ասպետների տեղը, դերն ու նշանակությունը այդ բանակում, նրա նմանություններն ու տարբերությունները արևմտավրոպական ասպետությունից:

Այսպես, բուն Հայաստանի հայոց հեծյալի նմանությամբ բանակի գլխավոր հրամանատարն էր սպարապետը³, որը Կիլիկիայում արևմտավրոպական տերմինով կոչվում էր գունդստաբլ⁴: Նրա օգնականներն էին մարաջախտը կամ մարեշալը⁵, որն ինտենդանտական գործն էր զխավորում, և սպասալարը՝ հեծյալ ջոկատների հրամանատարը⁶:

Ինչպես բուն Հայաստանում՝ Արշակունիների⁷ և Բաթրատունիների⁸ ժամանակ, այնպես էլ Կիլիկիայում, մշտական բանակի կորիզը՝ «հայոց հեծյալը» կազմված էր ազատներից, որոնք Կիլիկիայում կոչվում էին ձիավորներ: Այս մասին ուղղակի մատնացույց է անում Սմբատը գրելով. «Ապա սույն ամի շէ (1256) յամսեանն հոկտեմբերի աշխարհաժողով արարեալ թագաւորն Հեթում հանդերձ հարազատօք իւրովք, և համօրեն, ազգայնօք և ազատօք, որ և ասէին, թէ ժողովեցան իբրև ժ բիրս»⁹: Նույն հեղինակը իր «Դատաստանագրքում» գրում էր. «և զիշխանքն դատէ իշխանաց իշխան՝ իշխանաւքն և իրենց տեսովն, նոյնպէս և զազատքն՝ որ են ի մերս ձիաւորքն և լին ճորտերն... և այլ ցած հեծելւորքն այլ վերցածքն, որ ազատ կոչին»¹⁰:

Օրդենները, որոնցից միայն հյուրընկալները կամ հիվանդախնամները, որպէս թագավորի վասալներ, «տալին ամէն տարի հեծել ի ծառայութիւն 400 մարդ...»¹¹:

Արքունական և իշխանական ազատագունդ հեծյալ բանակից բացի, պատերազմի ժամանակ հավաքագրվում էր. «աշխարհաժողով ռամիկ քաղաքաց

3 «Սմբատ Սպարապետի տարեգիրք», Վենետիկ, 1956, էջ 235, 238, 247: Հմմտ: «Սմբատայ Սպարապետի պատմութիւն», Փարիզ, 1856, էջ 110: Մատենադարանի ձեռագիր № 4243, էջ 222:

4 Ն ե Ր ս ե ս Լ ա մ բ Ր ո ն ա ց ի, Թուղթ առ Լևոն, 1865, Վենետիկ (Գրիգոր կաթողիկոսի Տղա կոչելոյ նամականի), էջ 239—240: Recueil des historiens des Croisades. Documents Armeniens. Tome III, p. 606.

5 Ղ ե ո ն դ Ա ի շ ա ն, Սիսուան, 1383, ի Վենետիկ, էջ 475: Տե՛ս նաև Սամուէլ Անեցոյ՝ Պատմութիւն, էջ 209—210:

6 «Գրիգորի կաթողիկոսի Տղայ կոչելոյ նամականի», 1865, Վենետիկ, էջ 240:

7 Ակադեմիկոս Հ. Մանանդյան, Ֆեոդալիզմի հին Հայաստանում, Երևան, 1952, էջ 112—119:

8 Հ ո վ հ ա ն ն Ե ս Դ ր ա ս ի ա ն ա կ ե Ր տ ց ի, Պատմութիւն, էջ 356: Ա. Լ ա ս տ ի վ ե Ր տ ց ի, Պատմութիւն, էջ 56: Ս տ. Օ Ր Ր Է լ յ ա ն, Պատմութիւն, էջ 185, Մ ա տ թ ե ո ո Ս ի ո հ ա յ Լ ց ի, Ժամանակագրութիւն, էջ 75:

9 «Սմբատ Սպարապետի տարեգիրք», 1956, էջ 231:

10 С м б а т С п а р а п е т, Судебник. Перевод с древнеармянского А. Галстяна, Ереван, 1958, стр. 82.

11 «Սմբատ Սպարապետի պատմութիւն», 1856, էջ 109:

և գեղջկանց»¹², կամ թե «ռամիկ հետևակը»¹³։ Աշխարհաժողովները կազմվում էին հատկապես այն ժամանակ, երբ արտաքին վտանգը դառնում էր սպառնալից։ Նրա մեջ մտնող հետևակ զորքը կազմվում էր ռամիկներից, քաղաքային արհեստավոր դասից և գեղջուկ-շինականներից։

Կիլիկյան Հայաստանի քաղաքական անբարենպաստ պայմանները ոչ միայն ստիպում էին զենքի տակ պահել հսկայական ռազմական ուժեր (որոնց թիվը պատերազմի ժամանակ տատանվում էր 80.000—100.000)¹⁴, այլև կատարելագործել ռազմական տեխնիկան, կառուցել բերդեր և ամրոցներ¹⁵, պատրաստել և վարժեցնել ձիավորներ, աղեղնավորներ, շարխողներ, սակավորներ¹⁶ և հատուկ անձնակազմ, որոնցից հայտնի են զինվորական բժիշկները¹⁷ և բեռնակիրները¹⁸ բանակին մատակարարող տրանսպորտի անձնակազմը։

Սակայն բանակի հիմնական կորիզը «հայոց հեծյալն» էր, որը, ինչպես ասացինք, կազմված էր հեծելվորներից կամ ձիավորներից։

Ինչպես վերևում տեսանք, ձիավոր և հեծելվոր տերմինները, գործ էրածվել Կիլիկիայի հայոց հեծյալում ծառայող ազատների համար¹⁹։

Հայկազյան նոր բառարանում ձիավոր բառի նշանակությունը տրված է այսպես. «ձիավոր որ ունի զնախապետություն ինչի զինվորական կարգի որպիսին են ազատ և մեծագգի զինվորքն որքն աստիճանաւ ելանեն ի զանաղան կարգս»²⁰։

Բացի ձիավոր կամ հեծելվոր տերմիններից Կիլիկիայում ազատների դասին պատկանող ձիավորները կոչվել են նաև ձիավարժներ²¹, իսկ օտար աղբյուրներում՝ chevalier բառով, որը ասպետի համազոր ֆրանսիական տերմին է²²։

Նաշակիր ասպետների օրինակով սահմանվել է ձիավորի աստիճան, որին հասնելու համար զինվորականը պետք է հրապարակայնորեն քննություն հանձնել ձիավարժությունից՝ նիզակի գործածությունից, նետածգությունից և ասպետ դառնալու համար անհրաժեշտ բոլոր գիտելիքներից և ունակություններից և ապա հատուկ ձիավարեցման ծիսակատարությունից հետո ստանում էր ձիավորի, ձիավարժի կամ ասպետի կոչում։

Նոր Հայկազյան բառարանում և Աճառյանի Արմատական բառարանում «ասպետ» բառին վերագրված է իտալերեն «կավալեր», իսկ հայերեն՝ «ձիավոր ազնվական», «հեծյալ իշխանավոր» նշանակությունը²³։ Էդ. Դյուլորիեն ասպետ բառը դնում է Oasb, ձի իրանական փոխառությունից²⁴։ Ակադ. Հ. Մա-

¹² «Հանդես Ամսորհայ», 1954, № 1, էջ 68։

¹³ «Սմբատ Սպարապետի տարեգիրք», 1956, էջ 234, 245։

¹⁴ Նույն տեղում, էջ 231, վենետիկ։ Documents Armeniens, T. I, p. 661.

¹⁵ Смбат Спарамет, Судебник, стр. 14.

¹⁶ Documents Armeniens, T. I, p. 661.

¹⁷ «Սմբատ Սպարապետի տարեգիրք», 1956, էջ 243։

¹⁸ Նույն տեղում, էջ 239։

¹⁹ Смбат Спарамет, Судебник, стр. 82—83.

²⁰ Հայկազյան Նոր Բառգիրք։

²¹ Ղ. Ալիշան, Սխառն, էջ 441։

²² Dulaurier Ed., Journal Asiatique, 1861, № 18, p. 291.

²³ Հ. Աճառյան, Հայ արմատական բառարան, հ. 1, էջ 557—558։

²⁴ Ed. Dulaurier, Journal Asiatique, 1861, № 8, p. 291.

նանդյանը բավարարվում է նիկ. Ադոնցի այն բացատրությամբ, որ «ասպետը» Բագրատունիների տոհմային տիտղոսն է, նշանակում է «տոհմապետ» և համապատասխանում է իրանական visapati բառին: «Թեև,— ավելացնում է Հ. Մանանդյանը,— Ն. Ադոնցի այս ստուգաբանությունը կարոտ է ավելի հիմնավոր լուսաբանման, սակայն այս մեկնությունն ըստ իս հավանական է, որովհետև նոր այս բացատրությամբ միանգամայն հասկանալի է դառնում ասպետի» գործածությունն իբրև տիտղոս Բագրատունիների միայն տոհմում²⁵: Նույն տեղում ակադ. Հ. Մանանդյանը գրվատելով Հյուբշմանի և Աճառյանի ստուգաբանությունը, գրում է. «Անհասկանալի է նույնպես, թե ինչու ասպետը ունենալով ֆեոդալական chevalier կամ рыцарь բառի նշանակությունը, գործածական չի եղել Հայաստանում իբրև տերմին «ծիավոր ազնվական»-ների համար»²⁶:

Որ ծիավոր և ծիավարժ տերմինները նույն ասպետի հոմանիշներն են, այդ մասին վկայում են նաև մատենագրական այլ աղբյուրներ: Սմբատ Սպարապետի «Տարեգիրքը», որը լույս է տեսել 1956 թվականին, խաչակիր ասպետներին հավասար կերպով և ասպետի իմաստով օգտագործում է ծիավորներ²⁷ տերմինը: «Զիավարժը» ասպետի իմաստով օգտագործել է նաև Մատթեոս Ուռհայեցին²⁸:

14-րդ դարի հեղինակ Յովհան Դարդելը, որը գրել է Կիլիկյան հայկական պետության վերջին շրջանի պատմությունը, ձիավոր և ասպետ տերմինները օգտագործել է որպես համազոր և հոմանիշ բառեր²⁹: Այսպես, իր «Ժամանակագրության» 43-րդ գլխի վերնագրում գրում է. «Յաղագս Կոստանդինի որ հրամայեաց երկու ծիավորաց, որպեսզի խեղդեն վերոհիշյալ տիկինն և երկու որդիները և ինչպես անոնք հրաշքով ազատելու մասին»³⁰:

Ինչպես տեսնում ենք, վերնագրում գրված է «երկու ծիավորաց», իսկ կոնտեքստում «երկու ծիավոր» բառերի տեղ օգտագործում է ասպետ բառը, գրելով. «ետ հրաման ասպետաց երկուց (իսկ ֆրանսերեն օրինակում (deux chevalier) ազատեց ջրահեղձոյց առնեն զտիկինն զայն և գորգիս նորա երկուսին զաղտնաբար»³¹: Այնուհետև «Ժամանակագրության» բազմաթիվ գլուխներում, «chevalier» տերմինը օգտագործում է հայ ծիավորների մասին խոսելիս, իսկ հայերեն թարգմանությունում «chevalier»-ն իրավացիորեն թարգմանված է ասպետ բառով³²: Սմբատ սպարապետի Տարեգրքում օգտագործված «ծիավորեցուցանել»³³ տերմինի փոխարեն և նույն նշանակությամբ օգտագործում է «արարեալ զնա ասպետ»³⁴ արտահայտությունը: Թեև լուրջ միայն «ծիավորացուցանել» տերմինի «ասպետ արարեալ» նշանակության օգ-

25 Հ. Մանանդյան, Ֆեոդալիզմի հին Հայաստանում, Երևան, 1934, էջ 63:

26 Հ. Մանանդյան, Ֆեոդալիզմի հին Հայաստանում, էջ 63:

27 «Սմբատ սպարապետի Տարեգիրք», 1956, էջ 148:

28 «Մատթեոսի Ուռհայեցու ժամանակագրություն», էջ 259, 337, 339:

29 «Յովհաննու Դարդելի ժամանակագրություն Հայոց», 1891, Ս. Պետերբուրգ, էջեր 50—51, 54, 69, 107:

30 Նույն տեղում, էջ 54:

31 «Յովհաննու Դարդելի ժամանակագրություն Հայոց», 1891, Ս. Պետերբուրգ, էջ 54:

32 Նույն տեղում, էջ 50—51, 54, 69, 107, 115:

33 «Սմբատ Սպարապետի Տարեգիրք», էջ 231, 244:

34 «Յովհաննու Դարդելի ժամանակագրություն», էջ 115:

տագործումը, մեզ իրավունք է տալիս ասելու, որ եթե ոչ Հայաստանում, գեթ Կիլիկիայում «ձիավոր և ասպետ» տերմինները ունեցել են նույն նշանակությունը, ընդ որում ձիավոր տերմինն օգտագործվել է ասպետի իմաստով և ընդհակառակը: Այսպիսով, Կիլիկիայի ասպետները որպես ազատանիին պատկանող դաս, կոչվել են ձիավոր կամ հեծելվոր տերմիններով, որոնք մասն էին հին Հռոմի *ordo equester* կոչված ձիավոր դասին կամ միջնադարյան Եվրոպայի՝ գերմանական *ritter*, ռուսական *рыцарь* և ֆրանսիական *chevalier* դասերին:

Ասպետությունը միջնադարյան Եվրոպայում հանդես էր եկել երեք ասպեկտով:

ա) ֆեոդալական հողատիրության մի ձև, որպես ֆեոդալական մանր հողատիրություն, բ) տնտեսական արժանիք կամ հատկություն, գ) վարվելաձևերի մի կոմպլեքս, սխտեմ³⁵:

«Ասպետության ծագումն ու զարգացումը,—գրում է Հ. Ս. Ստաբլը,—մի հարց է, որը դեռևս խորապես լուսաբանված չէ: Թեպետև Ժ. Հ. Ռաունդը մեծ ջանքեր է թափել նրա ծագումը բացատրել Անգլիայի ֆեոդալական հասարակարգի առանձնահատկությամբ, սակայն նրա ծագումը միջնադարյան ֆեոդալական Եվրոպայի մասշտաբով մնում է մութ և չլուսաբանված: Ասպետը ծագել է հեծելվոր, հեծյալ, ձիավոր բառերից»³⁶ եզրակացնում է Ստաբլը: Ֆրանսիացի հետազոտող Դյուկանժը երեք դասերի է բաժանում միջնադարյան ֆեոդալական Ֆրանսիայի և Իսպանիայի հասարակությունը. Ա. բարոններ, Բ. ասպետներ, Դ. սելիսներ կամ ձիավարներ, գունդատաբներ և մարշալներ: Վերջիններս ռազմական առաջնորդներ և խոշոր հողատերեր էին, իսկ ասպետները միջին և մանր հողատերեր³⁷:

Ֆ. էնգելսը ասպետներին դասում է ստորին ազնվականության շարքը, նշելով, որ նրանք ազատ էին հարկերից, բայց մասնակցություն ունեին դրանց վայելելու մեջ: Միաժամանակ նա ընդգծում է ասպետական հեծելագործի նշանակությունը. «Որպես մանր հողատիրություն, ասպետությունը արագ կերպով կործանվում էր»,—գրում է էնգելսը³⁸:

Կիլիկիայում ձիավորները՝ ասպետները պատկանում էին ազնվականության՝ ազատների դասին³⁹, նրանց հիմնական մասը մանր և միջին հողատերեր էին, որոնք իրենց սոցիալ-տնտեսական վիճակով գրավում էին ֆեոդալական հերարխիայի շորորոդ աստիճանը՝ թագավորից, մեծ իշխան-բերդատերերից և իշխան-բարոններից հետո: Ձիավորների սոցիալ-իրավական վիճակի հիմքում ընկած էր Կիլիկիայի ֆեոդալական հասարակության իշխող դասակարգի սոցիալ-իրավական վիճակն արտահայտող «իմ վասալի վասալը՝ իմ վասալը չէ» սկզբունքը: Այդ մասին Սմբատը գրում է. «Եւ զիշխանքն դատէ իշխանաց իշխան՝ իշխանաւրն և իրենց տեսովն. նոյնպէս և զազատքն

³⁵ Encyclopedia Britanica, London, 1946, Edition, Tome 6, p. 778.

³⁶ Նույն տեղում, էջ 779.

³⁷ Encyclopedia Britanica, 1946, Tome 6, p. 779.

³⁸ Ֆ. էնգելս, Եվրոպայիական պատերազմը Գերմանիայում, Իրևան, 1940, էջ 31 — 32.

³⁹ С м б а т С п а р а п е т, Судебник, стр. 48, 82.

որ են ի մերս ձիաւորքն և լիճ ճորտերը՝ նա իրենցովն զիրենք դատեն՝ իշխանաց իշխանքն, զթագաւորին ճորտերն թաղաւորի հրամանաւքն»⁴⁰,

Ինչպես տեսնում ենք, ձիավորները ենթարկւում էին իրենց սենյորի իշխանաց իշխանին կամ իշխաններին և դատւում էին նրանց կողմից: Իրենց հերթին ձիավորները՝ ցած հեծելվորները, որոնք նույնպես ազատ էին կոչւում⁴¹, դատում էին իրենց ճորտերին, բայց նրանք իրավունք չունեին մահվան դատաւճիռ կայացնելու իրենց ճորտերի նկատմամբ, որովհետեւ այդ իրավունքը պատկանում էր թագաւորին և իշխանաց իշխանին: «...Ապա զնոյնքն և ծեծել և տուգանել և հանել, վարել յիրենց տեղոյ ի բաց՝ կարեն այնել»⁴²: Այս դեպքում խոսքը վերաբերում է ճորտ գյուղացիներին, որոնք պատկանելիս են եղել ձիավորներին: Սակայն օրենքը սահմանափակում է նրանց իրավունքը, ընդ որում նրանք չէին կարող իրենց ճորտերին «հայրենէ փթել առանց պարոնին»⁴³:

Վերոհիշյալից պարզ երևում է, որ ձիավորները հանդիսացել են առավել խոշոր իշխանների լիճ ճորտերը, երկրակալները, այսինքն մանր ֆեոդալ հողատերերը, որոնք ունեցել են ձորտ գյուղացիներ:

Ինչպես ասացինք, Կիլիկիայի հայկական պետության բանակի կորիզը հանդիսացող հայոց հեծյալը հիմնականում ստեղծված էր և պահպանում էր բուն Հայաստանի Արշակունյաց և Բագրատունյաց շրջանների «հայոց այրուծի» տրագիցիաները: Սակայն նոր միջավայրում, նոր պայմաններում և խաչակիր պետությունների ազդեցության տակ նա ենթարկվել է որոշ փոփոխությունների:

Խաչակիր արշավանքների առաջին շրջանում խաչակիր բանակներում, ի տարբերություն արևմտաեվրոպական բանակների, որտեղ իր սենյորի նկատմամբ հեծյալի ստանձնած վասալական զինվորական ծառայության հիմքում ընկած էր սենյորից ստացած ֆեոդը (Հայաստանում խոստակը)⁴⁴ և սենյորից ստացած թոշակը (վերջինս հիմնականում ծանրացած է ճորտ գյուղացիության վրա), վարձատրության հիմնական ձևը հանդիսանում էր պատերազմական ավարի բաժանումը⁴⁵: Նույնիսկ ավելի ուշ շրջանում Երուսաղեմի թագաւորության անկումից հետո 12—13-րդ դդ. սկզբին՝ առաջանում է հողագուրկ ազնվականների մի դասակարգ, որը հետևանք էր մի կողմից նվաճված հողերը մուսուլմանների կողմից վերագրավելու և մյուս կողմից իբրև հետևանք ավատների մանրացման: Վերջին երևույթի դեմ պայքարում էին Անտիոքի Ասսիզների⁴⁶ և Երուսաղեմի Ասսիզների⁴⁷ օրենսդիրները: Սակայն վերջիններս չարդարացրին իրենց և այսպես 12-րդ դարի վերջին Կիլիկիայում և խաչակրաց պետություններում առաջանում է մանր ազնվականության՝ ձիավորների հողագուրկ մի դաս, որի մասին ֆրանսիական «էռնուլ և Բերնարդ գան-

⁴⁰ Նույն տեղում, էջ 82:

⁴¹ Նույն տեղում, էջ 87:

⁴² Նույն տեղում, էջ 82—83:

⁴³ Նույն տեղում:

⁴⁴ Զ. Մանասյան, Ֆեոդալիզմը հին Հայաստանում, էջ 116:

⁴⁵ K. Маркс и Ф. Энгельс, Архив. Т. VI, стр. 166—167, տես նաև R. Grousset, Histoire des Croisades, Paris, 1936, t. I, p. 111.

⁴⁶ Assises d'Antioche, Trad. L'Alishan, Venise, 1876, p. 21—22.

⁴⁷ Assises de Jerusalem, Ed. Beugnot, Paris, 1843, p. 35—36.

ձապետի ժամանակագրությունում» ասված է. «Ասպետները, որոնք ժառանգությունից զրկված էին, կամ որոնց երկրները Սարակինոսը գրաված էին և տիկիները, որոնց ամուսինները վախճանված էին և որը օրիորդներ, գնացին հոն Կիպրոս և Կիևի թագավորը տվավ անոնց առատ երկրներ և չկար մեկն, որ հոն երթար և որուն նա առատ երկրներ չտար»⁴⁸:

Հետևաբար, Կիլիկիայում ևս 12—14-րդ դարերում արտաքին թշնամիների դեմ մղված երկարատև պատերազմից հետո շատ բնական էր, որ առաջանալի ազնվականների մի դասակարգ, որի հիմնական զբաղմունքը լինելու ֆեոդալի մոտ զինվորական ծառայություն կատարելը, հույս ունենալով վարձատրվելու ռազմական չավարով կամ գերիների փրկագնից ստացած եկամուտներով: Սմբատ սպարապետը արձանագրելով այդ փաստը գրում է. «Բայց և զյիշվելոյն և զշահերոյն բաժնելն պատեհէ՝ որ գրենք... Եվ ինչ շահ կենա՝ ըղորթն այն է՝ որ զամենն յիրար քշտեն, ու կէսն թաքվորինն է և կէսն այլ իշխանացն՝ ըստ իրենց մարդաթրլին չափոյն ի յիրենց վերայ բաժնեն: Ապա... բրդեղենն ու բամբակեղենն և պղինձն ու երկաթն զաւրացն է»⁴⁹:

Փրկագնից ստացված եկամուտները զինվորականների միջև բաժանելու մասին է խոսում հետևյալ վկայությունը. «Յարձակեալ, ապա քաջն Թորոս ի վերայ ժողովոյն հունաց՝ զբազում եսպան և զհողով Սևաստիօսս գերի տարեալ ի գլեակն. վաճառեաց ընդ ոսկւոյ կայսերն էմմանուելի և գանձն բաշխեաց իւրոց զօրուն»⁵⁰:

Ինչպես Երուսաղեմի թագավորությունում, այնպես էլ Կիլիկիայի հայկական թագավորությունում՝ զինվորական ծառայությունը հիմնականում կատարվել է սինյորից ստացած ֆեոդի և ռոճիկի դիմաց: Ռոճիկ ստացող ձիավորները Երուսաղեմի թագավորությունում կոչվում էին՝ «Soudoyer»-ներ, այսինքն բառացի՝ ռոճիկ ստացողներ, որոնք ռոճիկ էին ստանում փողով և բնամթերքով՝ գյուղացիներից գանձված բահրայով: Պահպանվել են վկայություններ soudoyer-ների ստացած ռոճիկի և բահրայի չափի մասին: Այսպես Ջոն Մարգատ հեծելվոր վասալը, որը վասալական կախման մեջ էր գտնվում Արսուֆի սենյորայից, ստանում էր ռոճիկ զրամով՝ 200 բյուզանդ, և բահրա՝ որոշ քանակությամբ ցորեն, յուղ և այլ մթերքներ, որի դիմաց նա պարտավորվում էր սենյորին ներկայանալ 4 ձիով⁵¹:

Սմբատ Սպարապետի «Դատաստանագրքում» և Ներսես Շնորհալու «Թուղթ Ընդհանրական»-ում վկայություններ կան Կիլիկիայի հեծելվորների և զինվորականների ռոճիկ կամ թոշակ ստանալու մասին: Այսպես, Սմբատը, համեմատելով հոգևոր ֆեոդալների ստացած եկամուտը եկեղեցուց ձիավորների ստացած թոշակին, գրում է. «Վասնզի ամէն եկեղեցական հայնց է հաստատած ի յիր ապրանքն ի սուրբ եկեղեցոյն ծառայութենէն՝ զեդ հեծելվոր որ թրովն իր այն է զթոշակն»⁵²: Ներսես Շնորհալին «Թուղթ Ընդհանրականի» «Առ իշխանս որ ընդ աշխարհի» բաժնում դիմելով իշխաններին գրում է. «Նաև զին-

⁴⁸ «Թագմավեպ», 1913, էջ 288—299: Chronique d'Ernoult et de Bernard de Tresortier publie par M. L. De Mas Latries, Paris, 1871.

⁴⁹ С м б а т С п а р а п е т, Судебник, стр. 11—12.

⁵⁰ «Սամվել բահրայի Անեցոյ հավաքմունք ի գրոց պատմագրաց», Վաղարշապատ, 1893, էջ 216—217.

⁵¹ Rey, Les colonies Franques en Syrie, p. 24.

⁵² С м б а т С п а р а п е т, Судебник, стр. 21.

վորաց ձերոց և որք ծառայեն ձեզ, զսահմանեալ հոռոսն մի պակասեցուցանէք, ղի զրկանք մեջ է այն անիրաւութիւնս քանզի որպէս որպէս նորա պարտական են վասն պարգևածն որ ի ձենջ զարիւնս իւրեանց հեղու վասն ձեր նոյնպէս և զորք պարտիք զխոստացեալ թօշակսն նոցին հատուցանել անթերի»⁵³:

Դիմելով զինվորներին գրում է. «Եւ մի առաւել քան զրամայելն ձեր արնիցէք. ըստ սրբոյ Մկրտչին խրատու այլ թոշակօքն ձեր բավականաշէր: Նոյնպէս և զորս քան զսահմանեալ հոռոսն ձեր անիրաւաբար և բռնութեամբ յաղբատաց յափշտակէք. կամ ի տէրանց ձերոց ընչից գողանայք. ունիւր տալ զվճառն առանց՝ պակասութեան յաւուրն դատաստանի»:

Հոռոգ բառը ըստ նոր Հայկազյան բառարանի նշանակում է ոռճիկ, թռչակ: Հոռոգ տերմինը հետնադարյան հայերենի մեջ ավելի սովորական և ժողովրդիկն ավելի հասկանալի բառ էր, քան թոշակը: Միսթար Գոշի «Դատաստանագրքում» թոշակ բառի դեմ իբրև բացատրություն լուսանցքի վրա գրված է հոռոգ⁵⁴: Մատթեոս Ուռհայեցին մի անգամ օգտագործել է հոռոգակեր տերմինը⁵⁵: Սմբատը իր «Դատաստանագրքում» հոռոգվոր բառը օգտագործում է վարձով աշխատող անձի իմաստով⁵⁶:

Հատիներեն erogatia բառը ծագում է erogō ծախսել, դրամ բաժանել բայից փոխ է առել հունարեն ῥογήс ձեր, որ նշանակում է «ժողովրդիկն բաշխված դրամ» կամ «զինվորներին վճարված թոշակ՝ տարեթոշակ»: «Թուղթ Ընդհանրական»-ում ներսես Շնորհալին հոռոգ և թոշակ բառերը օգտագործել է փոխարինելով մեկը մյուսին և այդտեղից էլ հոռոգը նշանակում էր թոշակ, որը տրվում էր զինվորներին և հեծելվորներին զինվորական ծառայության դիմաց:

Պրոֆ. Գ. Միքայելյանը, հիմնվելով «Թուղթ Ընդհանրականի» վրա, «նոյնպէս և զորս քան զսահմանեալ հոռոս, ձեր անիրաւաբար և բռնութեամբ յաղբատաց յափշտակէք» վկայության վրա, հանգել է այն ճիշտ եզրակացության, որ հոռոգը ոռոսական ֆեոդալիզմի «КОМПЛЕНИЕ» տերմինին է համապատասխան, և որ դա գյուղական բնակչության կողմից բանակի զինվորներին վճարված պարտադիր հարկերից մեկն էր հանդիսանում:

Հեծելվորները Կիլիկյան Հայաստանում իրավունք ունեին օգտվելու վանքի եկամուտներից այն դեպքում, երբ նրանք գտնվում էին ճանապարհորդության մեջ, անշուշտ, ռազմական արշավանքների ընթացքում: Աներկբայելի է, որ վանքի եկամուտները ստացվում էին ճորտ գյուղացու կամ առհասարակ կախյալ գյուղացիների աշխատանքով կամ նրանցից գանձված հողային ռենտաներով: Սմբատն այդ մասին գրում է. «սահմանէ յաւրինացն՝ որ թէ թագաւոր և թէ իշխան և թէ հեծելվոր, որ ի ճանպահ կենայ ու վանք պատահի նա իր հաւն իջնու, իջնու ի գեղ և վանքն տայ զպէտքն...»⁵⁷, այսինքն և՛ վանք չպատահի, նրա մասին պետք էր հոգար գյուղական բնակչությունը:

⁵³ «Թուղթ Ընդհանրական», 1865, էջ 100:

⁵⁴ Նոյն տեղում, էջ 105—106:

⁵⁵ Բատաստան Վ., Միսթար Գոշի Դատաստանագիրք Հայոց. Վաղարշապատ, 1880, էջ 82:

⁵⁶ Մատթեոս Ուռհայեցի, Ժամանակագրութիւն, Վաղարշապատ, 1898, էջ 21:

⁵⁷ Симбат Спарамет, Судебник, стр. 17:

⁵⁸ Г. Микаелян, История Киликийского Армянского государства, Ереван, 1952, стр. 252:

⁵⁹ Симбат Спарамет, Судебник, стр. 51:

Հոռոգի կամ հեծելվորի ստացած թոշակի չափի մասին արաբական պատմիչ Աբու-Ֆեդան գրում է, որ հայոց մոտ սովորություն էր ձիավորին տալ ոռոգի տարեկան 12 ոսկի, իսկ հետեակին 3 ոսկի և որ այդպես էր անում Գույ Վասիլ իշխանի այրի տիկինը իր ամուսնու մահվանից հետո⁶⁰։

Ֆեոդալական եվրոպայում 13—14-րդ դդ. երկարատև պատերազմների ժամանակաշրջանում (Հարյուրամյա պատերազմը) ստիպված էին պահել մշտական բանակ. բնդ որում վասալի զինվորական ծառայության նախկին պայմաններն այլևս բավարար չէին։ Վերջինս սենյորից ստացած պարգևական հողի կամ ֆեոդի դիմաց որոշ ժամանակ մնում էր զինվորական ծառայության մեջ։ Այս պայմաններում մանր հողատերերից սկսեցին գանձել՝ ռազմական հարկ, որը Արևմտյան եվրոպայում կոչվում էր scutage կամ escuage, որը զինվորական պարտույթ էր⁶¹։ Հայտնի է, որ Կիլիկիայի նույնպես, սկսած 13-րդ դարի երկրորդ կեսից մինչև 1375 թիվը, երբ այն կործանվեց, ստիպված էր պահել մշտական բանակ՝ դիմակալելու համար արտաքին թշնամիների մըշտական հարձակումները։ Բացի այդ, որպես մոնղոլների դաշնակից, պարտավորված մասնակցում էր մոնղոլների՝ Սիրիայի և Միջագետքի պարբերաբար կրկնվող ռազմական արշավանքներին։ Ինչպես աղբյուրներն են հաղորդում, Կիլիկիայի այդ արշավանքներին մասնակցում էր մշտական բանակով, որի թիվը հասնում էր 62 հազարի, որից 12 հազար հեծելվոր-ձիավորներ, իսկ 50 հազարը հետեակ⁶²։ Այդպիսի մշտական բանակ պահելու համար Կիլիկիայի թագավորը և ֆեոդալ իշխանները մանր հողատերերից սկսեցին գանձել servitium ռազմական հարկը⁶³, որով հեծելվոր լիճ ճորտը պարտավորվում էր ռազմական ծառայություն կատարել և որը նման էր Արևմտյան եվրոպայի վերոհիշյալ զինվորական պարտույթին։ Բնե այս հարկի մասին անմիջական վկայություններ չկան հայ մատենագրական աղբյուրներում, սակայն մեր կարծիքով Սրմբատի «Դատաստանագրքի» 136-րդ հոդվածի «նույնպէս ոչ ձի. ոչ սիլահ», չի կարող զրավ դնել, թղի կովոյ և ծառուփեան ի պետք է ի պարոնութեանն ի կարիքն»⁶⁴ հասկանալի. շատ հավանական է, որ վերաբերում է զինվորական հարկին՝ վերևում հիշատակված servitium-ին։

Այսպիսով, Կիլիկիայի հայկական թագավորության գլխավոր ռազմական հենարանը հանդիսանում էին ռազմաքանակ հողատեր ազատները՝ ձիավոր-հեծելվորները, որոնք կազմում էին Կիլիկիայի բանակի կորիզը՝ հայոյ հեծյալը, որոնք զինվորական ծառայության դիմաց, բացի ֆեոդ-կալվածքից, սենյորից ստանում էին հող-ոռոգիչ և արշավանքի ժամանակ ձեռք բերված ռազմական ավարի կամ ռազմագերիներից ստացված փրկագնի մի մասը։ Նրանք խաղաղ պայմաններում ապրում էին ֆեոդ-կալվածքներում, պարապում էին երկրագործությամբ՝ շահագործելով կախյալ ճորտ գյուղացիներին։

Բացի վերոհիշյալ ռազմական ծառայությունից, որպես սենյորի վասսալներ, ձիավոր ասպետները արևմտաեվրոպական ասպետների նման կատա-

⁶⁰ Ղ. Ալիշան, Սխում, էջ 234.

⁶¹ Encyclopedia Britannica, Tome 6, p. 779.

⁶² Documents Armeniens, Paris, 1906, T. II, p. 170—171. Տե՛ս նույնպես Ղ. Ալիշան, էջ 234; Tournèze, Histoire politique et religieuse de L'Arménie, p. 210—212. Վարդան Մեծ, Գատուփին տիեզերական, Վենետիկ, 1862, էջ 151—152:

⁶³ V. Langlois, Le trésor des chartes d'Arménie, p. 107.

⁶⁴ Смбат Спарамет, Судебник, стр. 116.

րում էին նաև այլ վասալական պարտավորություններ և պաշտոններ: Նախքան դրան անցնելը, հարկավոր է պատասխանել այն հարցին, թե արդյո՞ք Կիլիկիայում գոյություն են ունեցել ասպետական կարգեր, իսկ եթե գոյություն չեն ունեցել՝ ապա ի՞նչ կարգով են հանդես եկել: Հետաքրքիր է նաև ասպետների օժման կարգը: Այսպես, մատենադրական արխիվները մի շարք վկայություններ են հաղորդում թագավորի կամ բերդատեր իշխանների որդիներին և նրանց ազատներին ձեռնադրի կամ ասպետի կոչում շնորհելու ծիսակատարության մասին: «Զիավորեցուցանելու» կամ ասպետ ձեռնադրելու ծիսակատարությունները, ինչպես Արևմտյան Նվրոպայում, այնպես էլ Կիլիկիայում, զուգահեռաբար և կատարվում էին որևէ մի նշանավոր ղեկավար ժամանակ կամ դրա առթիվ: Այդպիսի ղեկավար էին՝ հաղթանակած ճակատամարտին հաջորդող տոնախմբությունները, քրոսհների կամ թե թագավորի օծումը, թագածառանգի ծննդյան կամ մկրտության հանդեսները և այլն: Թե ինչ արտաքին տեսք և բովանդակություն է ունեցել «ձեռնադրեցուցանելու» ծիսակատարությունը, այդ մասին աղբյուրներում պահպանվել են շատ քիչ տեղեկություններ, որոնցից երևում է, որ Կիլիկիայում «ձեռնադրեցուցանելու» ծիսակատարությունները, ինչպես Նվրոպայում, ընդունել են բարդ ձևեր, որտեղ, ըստ Սելդոնի, կատարվում էին պալատական և եկեղեցական հանդեսներ: Առաջին ղեկավար տոնահանդեսներ էին կատարվում ասպետի ձեռնադրման առթիվ, իսկ եկեղեցականի ժամանակ տեղի էր ունենում ղոհարերություն և հոգևոր պատարագ: Օրինակ, 1284 թ. Լևոն Դ-ը Աստվածահայտության տոնին «ձեռնադրեցուցանում» է իր երկու որդիներին՝ Թորոսին և Հեթումին. նրանց թվում «և այլ մանկունք իշխանաց և արքայազնական և սպասաւորաց յորում հանդիսի ներկա գլով Յովհաննէս Նրզնկացի խոսեցաւ երկար ճառ «Ամենայն ածն որ ընդ իշխանութեամբ» խորագրով»⁶⁵:

Վերևում հիշատակված «մանկունքի» տարիքը չէր անցնում 11-ից 18 տարեկան հասակը, թեև «Անտիոքի Աստիգներում» ասված է, որ «ձեռնադրեցուցանելու» հասակը 15 տարին է, սակայն պարոնը կարող էր խախտել այդ տարիքը, եթե ինքը ցանկանար. «Եւ ըզորդ հասակն տասն հինգ տարին է, և ձեռնադրութիւն, զի առանց ձեռնադրութեան չկա հասակ և աարոն կարէ կաննուխցնել զհասակն չորս հինգ տարի, ընդ ներքո է, քանի ուզենա»⁶⁶:

Կիլիկիայում «ձեռնադրեցուցանելու» տարիքը հաճախ խախտվում էր: Այսպես, 1259 թ. ձեռնադրության աստիճանը ստացող Հեթում Ա-ի որդու՝ Թորոսի տարիքը 20-ից անց էր⁶⁷, իսկ 1284 թվին ձեռնադրության աստիճանը ստացող Լևոն Դ-ի որդի Թորոսը 14 տարեկան էր, Հեթումը՝ 18⁶⁸:

Թեև աղբյուրները քիչ են խոսում «ձեռնադրեցուցանելու» ծիսակատարությունների բովանդակության մասին, սակայն գովասանքով են խոսում ձեռնադրների հմուտ ձեռնարկության մասին: Այսպես, Վիլհելմ Գրանդեմարը 1211 թվականին Սիսում տեղի ունեցած Զրոսների արարողա-ծիսակատարության նկարագրության մեջ գրում է. «Իսկ թագաւորն և զօրականք ի դաշտ անդր դիմէին, և պալատակապ երկվարօրն արշավակի վազս առեալ

65. Ղ. Ալիշան, Սիսում, էջ 482—484.

66. *Annales d'Antioche*, Trad. L'Alisshian, 1876, p. 18.

67. Ղ. Ալիշան, Սիսում, էջ 480—482.

68. Նույն տեղում, էջ 484.

նիզակաջոջ նիզակարեկ խազ առնէին զինուորականս և զբովանդակ զօրն զայն մեծաւ ցնծութեամբ խրոխացան...»⁶⁹:

Աղբյուրները զովասանքով են խոսում Հեոն Բ-ի ձիավարություն մասին. «...և էր սա (Հեոն Բ.) այր իմաստուն և հանճարեղ ձիավար ճմուռ և ի զինուորութիւն քաջասիրտ...»⁷⁰:

Ռուբեն Ռայմոնդ թալաթառանգի մասին Սմրատը գրում է. «...պատանի զեղեցկատեսիլ հասակաւ երկայն... ձիավար զով էլի իշխանական ձեռով պատկառելի»⁷¹:

Ձիավարությամբ զլուրդվել են նույնիսկ հոգևորական դասերը, որը ներսև Շնորհալիս իր «Թուղթ Հնդհանրական»-ում «մուրթիւն» է անվանում⁷²:

Որ զոյություն է ունեցել զործող «հրահանգ ձիավարություն», այդ մասին է խոսում հետևյալ վկայությունը. Հեթում Ա-ի որդին զերի է ընկնում մամուլենների ձեռքը. նրանց սուլթանը կազմակերպում է տոնահանդես, որին մասնակցում է նաև զերի Հեոնը. «Այլ և ի ձիւնթացս ասպարիսի ելեալ,— գրում է Սամվել Անեցու շարունակողը,— ընդ Սուլթանին առավելագոյն զտալ զամենայն զինուորս ի հրահանգս ձիավարություն... ազատել ի բանտէ և ի կալանաց»⁷³:

Ինչպես վերևում հիշեցինք, թեև մեզ չի հասել «ձիավորեցուցանելու» ծիսակատարության ոչ մի ամրագրական նկարագրություն և ձիավարության հրահանգ, սակայն գտնվել է 14-րդ դարի մի մատյան, որտեղ նկարագրված է ասպետների զենքի, զրահի, զրոշի և նշանակի մասին. Մատյանը կրում է «զրահի սանձուց որ և Սլահնոց և հագուցուց պատերազմականաց և մարտիյ յազգս իւրեանց» վերնագիրը. Մատյանը սկսվում է այսպես. «Կնիք և օրհնութիւն աստուծոյ ամենակարողին հօր և որդւոյ և հոգւոյն սրբոյն եղիցի ի վերայ յայսմ զրահիցս և հագուցոյս և ի վերայ ականողին զսա, ի յորս առ հայելով արդարութեամբ զղեցցի նախախնամելով քո և ուղղելով Տէր Աստուած մեզ որպեսզի զբարձողն սորաց պահեսցէ անվնաս և աներկիւղ քաջամարտիկ և արիարար զինագրել և անսայթաք մնալ ամրափակ աջով քո որ կենդանի ես և թաղաւորես Աստուած յաւիտեանս յաւիտենից»⁷⁴:

Հայ ձիավորների հագուստի և նշանի մասին Ղևոնդ Ալիշանը գրում է. «նշան ձիավորացս էր խաչ կարմիր՝ զպատկեր սրբոյն Վրասոյ ի միջին ունելով, զգետն՝ ասուեայ սպիտակ»⁷⁵:

Գերմանացի հեղինակ Շուներեկը կարծում է, որ հայ ձիավորը կրում էր կապույտ հանդերձանք՝ ոսկեղեն խաչով և հայկական այրուծիով⁷⁶: Մեզ թվում է, որ հայ ձիավորներն անպայման ունեցել են իրենց հատուկ զգեստը և նշանը և որ դուցե, այն որոշ չափով նման էր խաչակիր ասպետների հագուստին և նշանին: Բավականին վկայություններ կան ձիավորների ձեռնադրության մասին: Առաջին հայ ասպետը հիշատակվում է 12-րդ դարի սկզբին. որը Մսիսի

69 Ղ. Ալիշան, Սիսուան, էջ 476ր:

70 «Սմրատ Սպարապետի Տարեգիրք», ի Վենետիկ, 1856, էջ 194:

71 «Սմրատ Սպարապետի պատմութիւն», 1856, Փարիզ, էջ 109:

72 «Թուղթ Հնդհանրական», 1865, էջ 52:

73 «Սամուէլ Անեցու Պատմութեան շարունակող», Վաղարշապատ, 1893, էջ 222:

74 Ղ. Ալիշան, Սիսուան, էջ 486:

75 Նույն տեղում:

76 Նույն տեղում:

քաղաքապետ է եղել, սակայն ձիավորեցուցանելու առաջին վկայությունը հանդիպում է 12-րդ դարի երկրորդ կեսին: Այսպես, Լամբրոնի իշխան Օշինը (1140—1170 թթ.) «ետ մկրտել զՀեթում (Օշինի որդին—Ս. Բ.) և արար ձիավոր և պսակեաց ընդ դուստրն իւր ի մի օր և ուրախացան յոյժ»⁷⁷:

Այս վկայությունը կարևոր է նրանով, որ հերքում է ֆրանսիացի պատմաբան հայագետ Ժակ դը Մորգանի և Ղևոնդ Ալիշանի այն ենթադրությունը, որ մինչև 1193 թ. Լևոն Բ-ի կողմից Անտիոքի իշխանության լծության թոթափումը հայ իշխանները իրավունք չեն ունեցել ձիավորեցուցանել իրենց ավաստու իշխան ասպետներին⁷⁸:

Վերոհիշյալ պատմաբանները գրում են, որ Լևոն Բ-ը բազմաթիվ ազատներին շնորհեց ասպետի կոչում⁷⁹: Բայց մեզ չհաջողվեց գտնել որևէ վկայություն այդ մասին: Իհարկե, «ձիավորեցուցանելու» բազմաթիվ վկայություններ կան Լևոն Բ-ի հաջորդների վերաբերյալ: Այսպես, 1256 թ. Հեթում Ա թափափորը Իկոնիայի սուլթանի դեմ տարած հաղթանակից հետո «բազում աւարով դարձաւ աշխարհն իւր և ուրախացաւ ոչ սակաւ աւուրս ի սոյն ամի 24 (1256 թ.) կամեցաւ թագաւորն Հեթում ձիաւորեցուցանել զԱնդրանիկ որդին իւր Լևոն (15 նոյեմբեր 1256 թ.) և յեկն ի մայրաքաղաքն Մսիս և առաքեաց յԱնտիոք և կոչեաց իշխանս և ուր ի վանձրէից զամենայն դասս եկեղեցականցն ժողովեաց յառաջիկայ ուրախութեան գործին և ձիաւորեցոյց զնա ի թուականին 26 (1256) յամենայն նոյեմբերի Ժն օրն, և ուրախացաւ թագաւորն ուրախութեամբ մեծ հանդերձ հարբն իւրովն և ամենայն զարմիրքն և ժողովովն որ եկեալ էին»⁸⁰:

Հեթում Ա-ը 1264 թվին թող ունենալու կապակցությամբ շատերին պարգևում է ձիավորի աստիճան: «Ի սոյն ամի 2ԺԳ (1264) որ և բազում ի վատթարագոյնից և յանգերագոյն ազգաց նաև ի ներքինեաց ևս փառաց և պատուոյ ձիաւորութեան արժանացան»⁸¹:

Նույնը կատարվում է Լևոն Բ-ի մկրտության առթիվ. «Եւ յաղագս այսմ ուրախութեան պատճառի զերկոսս որդիսն սպարապետին հայոց Սմբատայ՝ զՀեթում և զՎասիլ մականուն թաթար ձիաւորեցուցին և այլ բազումս ընդ նոսա...»⁸²:

Հեթում Ա-ի հաջորդ՝ Լևոն Գ-ը իր երկու որդիներին՝ Թորոսին և Հեթումին «ձիավորեցուցանելու» առթիվ (որը տեղի է ունենում Աստվածահայտնության տոնին), այդ թվում «ձիավորեցուցանում է» «և այլ մանկունք իշխանաց և արք յարքունական»⁸³:

Թեև հետագա շրջանի համար մենք չունենք «ձիավորեցուցանելու» մասին այլ վկայություններ, սակայն այդ սովորությունը մնացել է մինչև թագավորության վախճանը: Այդ երևում է նրանից, որ 1374 թվին Լևոն Զ թագավորին օծության առթիվ վերջինս «ձիավորեցուցանում» է իր համհարզներին մեկին:

77 «Սմբատ Սպարապետի տարեգիրք ի Վենետիկ», 1956, էջ 171:

78 Ղ. Ալիշան, Սիսուան, էջ 466: Ժակ դը Մորգան, Հայ ժողովրդի պատմություն, էջ 259:

79 «Սմբատ Սպարապետի տարեգիրք», 1956, էջ 231:

80 Նույն տեղում, էջ 244:

81 Նույն տեղում, էջ 245:

82 Ղ. Ալիշան, Սիսուան, էջ 405:

83 Ղ. Ալիշան, Սիսուան, էջ 405:

«և ի նմին իսկ յաւուր պատուեաց զինակիր Սոհիէ Դուկարտ, որ էր եկեալ կուսէ լերանց, արարեալ ասպետ յորով իսկ ձեռամբ և կարգեաց զնա Մարաջախտ թագաւորութեան հայոց»⁸⁴:

Մի շարք վկայություններ հաղորդում են այն մասին, որ ոչ միայն հայ ազնվականները, այլև ֆեոդալները ստացել են ձեռնադրության աստիճան շնորհիվ Ա-ից, թեև նրանք չէին հանդիսանում վերջինի վասալները⁸⁵:

Վերոհիշյալ վկայություններից երևում է, որ ձեռնադրի կամ ասպետի կոչումը ստանում են ոչ միայն ազատները, այլև մեծ իշխանները՝ հայրենատեր բերդատերերը, որով ցույց է տալիս, որ Կրիկիայում գոյություն է ունեցել ասպետության երկու աստիճան: Առաջին՝ բարձր աստիճանին արժանանում էին խոշոր հողատեր իշխանաց իշխանները, սպարապետներն ու մարշալները: Երկրորդ աստիճանը ստանում էին այն ձեռնադր-լիճ ճորտերը, որոնք «ի հայս ազատ» էին կոչվում: Վերջիններս, բացի զինվորական ծառայությունից, կատարում էին գործակալական պաշտոններ: Նրանք հաճախ դառնում էին օտառ երկրներում թագավորին ներկայացնող դիվանագետ պատգամավորներ, կամ դեսպաններ: Այսպես, «իսկ ասպետացն այնոցիկ երկոցունց մեկնեալ ի պապէն շոբան առ արքայն Գալղիոյ և առ այլոց յիշխանացն Արևմտից խնդրել ի նոցանէ ձերն օգնականութիւն»⁸⁶: Կամ թե նույն 1343 թվականին «և եղև իբրև յուան նուիրակին զխնդրուածս թագաւորին և զիշխանացն հայոց, և տոյն ողջոյ՝ և դարձ արարին առ պապն և մի ոմն ասպետ ընդ նոսա, պատգամաւորն հայոց: սևպուհն, Կոստանդին Կարսիլլի...»⁸⁷ կամ թե, 1373 թվին, «և իսկ և իսկ միաձայն խորհուրդով սլատգամավորս արձակեսցին ասպետ մի որ կոչէր սեպուհ և կոչն Համոսացի ընդ նմա արս երկուսս ի քաղաքէն Սսոյ և տանուտէր զոմն ի Պրեստրէ առ երիտասարդ արքայն Պետրոս...»⁸⁸:

Որ ասպետները Կրիկիայի հայկական թագավորության վերջին շրջանում կազմում էին առանձին դաս պալատում և մասնակցում էին երկրի առաջ կանգնած քաղաքական հարցերի լուծմանը, վկայում է նույն պատմիչը, նշելով ասպետներին մյուս դասերից հետո. «Ետ յաւուրս միում գումարել ի ժողով ի դահլիճն արքունական զեպիսկոպոսունս և զվարդապետս աշխարհին զաւագանին և զասպետս և զտիկնայս և ժողովուրդն առհասարակ»⁸⁹:

Ասպետները, որպէս թագավորի և առավել խոշոր հողատեր ֆեոդալների վասալներ, որպէս օտարվող հողի հետ առնչություն ունեցող մանր հողատերեր և սենյորի գործակալներ, ստորագրում են հողային նվիրատվությունների և այլ շնորհանքների տակ, իբրև վկաներ⁹⁰: Այդ վավերագրերի մեջ առավել ուշագրավ է այն շնորհագիրը, որ 1271 թվին Սարվանդիքարի տեր Ծոֆրեն շնորհում է Տեվտոնյան օրդենին՝ Սարվանդիքարում մաքսատուն-բաժնուն ունենալու մասին, որտեղ հանդես են գալիս վերևում մեր կողմից դասավորած առաջին աստիճանի ասպետները: «Գրեցաւ ի մեծի թուականութեան

⁸⁴ «Յովհաննու Դարգելի Ժամանակագրութիւն հայոց», 1891, Ս. Պետերբուրգ, էջ 113, Documents Armeniens, t. II, p. 67.

⁸⁵ Ղ. Ալիշան, Սխուման, էջ 485:

⁸⁶ «Յովհաննու Դարգելի, Ժամանակագրութիւն», էջ 41—43:

⁸⁷ «Յովհաննու Դարգելի, Ժամանակագրութիւն», էջ 46—47:

⁸⁸ Նույն տեղում, էջ 69:

⁸⁹ Նույն տեղում, էջ 167:

⁹⁰ Ղ. Ալիշան, Սխուման, էջ 238—239, V. Langlois. Le Tresor des chartes, p. 143.

հայոց ՉԻ (1271) վկայութեամբ մեծ ազգի իշխանին մեր աղբարն պարոն Սմբատայ և մեծահարգի ձիաւորացն սէր Կոստանդին և սէր Ըննադցին և սէր Գոյներին⁹¹:

Ինչպես հայտնի է 13-րդ դարի վերջում և 14-րդ դարում երկրի ներսում սրվեցին ունիթորների և հակաունիթորների հակամարտութիւնները, ընդ որում արքունիքում ուժեղացավ պայքարը իշխանութեան գրավման համար: Թագավորները հաջորդում էին մեկը մյուսին հաճախ զոհ դառնալով հակառակորդների դավադրութեանը: Այդ շրջանում ուժեղանում էր ասպետների քաղաքական դերն ու նշանակութիւնը: Ասպետները, որպէս զահի հավակնորդների ռազմական հենարան, մասնակցում են պալատական հեղաշրջումներին: Այսպէս, «ԶԲԵ (1296) Հեթում թագավորն ետ զթագաւորութիւն յիւր զեղբօրն իւրոյ պարոն Թորոսին. ի նոյն ամի դաւ եղև իշխանացի Հայոց, որք էին զըլխաւորք պարոն Օշինն Սինջալն, որդի պարոն Սմբատայ Գունդստաբլին և պարոն Օշինն Բակուրեանց, որ էր սպասալար դարբասին և այլ բազում իշխանք և ձիաւորք»⁹²:

Ավելի ուշ 1344 թվին Ունիթորների թեկնածու թագավոր Գվիդոն Լուսինյանի սպանութիւնից հետո, երբ Կոստանդին 4-րդը ընտրվում է թագավոր, նա որոշում է սպանել Գվիդոնի կնոջը և որդիներին: Այդ բանը նա հանձնարարում է երկու ասպետներին. «Ետ հրամանայ (Կոստանդին 4-րդ) ասպետաց երկույ ազատաց չրահեղձոյց առնել զտիկինն զայն և զորդիս նորա երկոսին զաղտնաբար»⁹³:

Միջնադարյան եվրոպայի մասնավորապէս Անգլիայի օրինակով, որտեղ խաղաղութեան ժամանակ արքունիքում, իսկ պատերազմի ժամանակ ռազմի դաշտում սուրհանդակի պաշտոն էին կատարում հերալդները, այստեղ, Կիլիկիայում, արքունիքում նրանք կոչվել են պատգամավորներ⁹⁴, որը անգլերեն «հերալդ» բառի թարգմանութիւնն է: Նրանք սենյորալների կամ բարոնոքիոնների ղեկավարում կոչվել են «ավագ շաւուշ» և «շաւուշ»⁹⁵: Պատգամավոր-շաւուշները կատարում էին պետական կարևոր հաղորդումներ, կարգավորում էին պալատական հանդեսներ⁹⁶ և բարոնութիւններում հրավիրում էին վերին ատյանի նիստեր⁹⁷:

Մենք չկարողացանք որևէ վկայութիւն գտնել եվրոպական ասպետութեան մի շարք աստիճանների մասին, ինչպիսիք են, դրոշակակիր ասպետները և նրանց մանկավիճները: Սակայն մեզ թվում է, որ Վիլլեբրանդտ Օլդենբուրգցու՝ 1212 թվականի Սսում տեղի տնեցած Ջորջանքի նկարագրութեան մեջ չիշատակված «և դասք դասք ազնվաց երկրի և բազմութիւն զօրականաց վայելչապէս զգեստաւորեալք զորոց՝ արրանեակք նոցին ղցելով ի ձեռս զնշանս և զդրոշս և ածելով զերիվարս նոցին պալատականս...»⁹⁸, վկայութիւնը վերաբերում է դրոշակակիր ասպետներին և նրանց մանկավիճներին:

⁹¹ «Բագմավէպ», 1873, էջ 119:

⁹² Վ. Հ ա կ ո բ յ ա ն, Մանր ժամանակագրութեան, 1951, էջ 82:

⁹³ Յովհաննու Դարտելի ժամանակագրութիւն Հայոց, Ս. Պետերբուրգ, 1901, էջ 54:

⁹⁴ С м б а т С п а р а п е т, Судебник, стр. 70.

⁹⁵ Asstses d'Antioche, Trad. L. Alisshian, p. 9—10.

⁹⁶ Ղ. Ա յ ի շ ա ն, Սիսուան, էջ 475:

⁹⁷ С м б а т С п а р а п е т, Судебник, стр. 70.

⁹⁸ Ղ. Ա յ ի շ ա ն, Սիսուան, էջ 476:

Այժմ աշխատենք պատասխանել այն հարցին, թե արդյոք գոյություն են ունեցել հայկական ասպետական օրգեններ: Լատինական և հայկական աղբյուրներին քաջատեղյակ Ղ. Ալիշանը ասում է, որ իրեն չի հաջողվել գտնել վկայություն հայկական ասպետական կարգի մասին: Սակայն նա ավելացնում է, որ «հեղինակը ոմանք Ժն և ԺԼ՝ դարուց՝ ոչ գիտենք յորոց աղբերաց առեալ ասեն և կարգ հայ ասպետաց հաստատեալ ի ժամանակի հաստատութեան Տաճարականացն, այլ զի սոցայս հաստատութիւն եղեալ է յամի 1118 թիվ, Յերուսաղեմ, առ մերովս առաջին պարոն Թորոսին (1129), ոչ կարծեմ ստոյգ. բայց հավանագոյն զոր այլ ասեն՝ ի թագաւորաց մերոց հաստատեալ և ինձ Եիրեւի էր ասել ի Լեոն Ա (Իմա Լեոն Բ) թագաւորէ՝: Երկու դասք ասել լինել ասպետացն հայոց. մի եկեղեցականաց կամ քահանայից, և միւս աշխարայնոց, երկոցուն և նպատակ զալով բանիւ և գինու պաշտպանել զուղղափառ հաւատս և կրօնաւորիլ կանօնօք Ս. Բարսեղի, պաշտպան ունելով ՁՍ, Վլաս եպիսկոպոս. վասն որոյ և ասպետք Ս. Վլասայ կոչէին, որ և այս ոչ թվի ինձ հավանական մանավանդ զի եղեն և այլ զկարգ Ս. Վլասայ յԱսորիս. այլ ոչ ասեն հայոց սեփական»⁹⁹:

Մեզ թվում է, որ Ղ. Ալիշանի վերոհիշյալ ենթադրությունը ճիշտ է, քանի որ 12—13-րդ դարերում ոչ մի հայ և օտար հեղինակ չեն հիշատակում հայ ասպետական կարգի մասին: Օրինակ Ֆրանսիացի ժամանակագիրներն էճնուլլը, Բեռնարդը, որոնք մանրամասն խոսում են Թորոս Ա իշխանի Երուսաղեմ ուղևորության, հայ ասպետների Կիպրոս տեղափոխվելու և այլ կարևոր անցքերի մասին, հետևաբար նրանք չէին կարող զանց առնել հայ ասպետական կարգի հիմնադրման նման կարևոր մի իրադարձություն, այլև չենք խոսում Սմբատ սպարապետի մասին, որը քաջատեղյակ էր Կիլիկիայի պատմությանը և, անշուշտ, մոտիկից ականատես Կիլիկիայի բոլոր իրադարձություններին: Մեզ թվում է, որ Կիլիկիայում անհրաժեշտություն չէր զգացվում ասպետական կարգերի հիմնադրմանը, քանի որ ինչպես Արևմտյան նվրոպայում, այնպես էլ Կիլիկիայում կազմակերպվել էին թագավորական կամ պետական բանակներ, վերջիններում ստեղծվել էին բանակի միավորումներ գունդատարների, մարաշախտների և այլ զինվորական աստիճանավորների հրամանատարության տակ:

Հայտնի է, որ խաչակրաց արշավանքների շրջանում 11—13-րդ դարերում ստեղծվել էին հրեք հոգևոր ասպետական օրգեններ, խաչակրաց արշավանքները ոգեշնչող՝ կաթոլիկ եկեղեցին զլիսավորող պապականության հովանավորության և անթիջական ղեկավարության տակ: Դա հնարավոր դարձավ այն պատճառով, որ փաստորեն իր ձեռքն էր վերցրել արևմտանվրոպական պետությունների քաղաքական ղեկը: Ուստի հոգևոր ասպետական օրգենների հիմնադրումը հետապնդում էր մի հիմնական նպատակ՝ ուղեկցել և օգնել խաչակիր բանակներին՝ ազատագրելու Տիրոջ սղւրբ գերեզմանը և այնուհետև մասնակցել «ազատագրված վայրերի» պաշտպանության և, մյուս կողմից, ուժեղացնել Մերձավոր Արևելքում ստեղծված ֆրանկ պետությունների ներքին և արտաքին դրությունը՝ նվաճելով նոր տերիտորիաներ, ընդլայնելով կաթոլիկ եկեղեցու և նրա հետևում կանգնած անդրժողովյան գաղութատերերի առևտրա-

կան կապիտալի իշխանությունն ու Հայտնի է, որ Կիլիկիայում ոչ մի ժամանակ հայոց եկեղեցին Կիլիկյան հայկական պետության վրա չի ունեցել գերիշխող դիրք, այն ինչ որ բնորոշ էր արևմտաեվրոպական թագավորությունների համար, որտեղ կաթոլիկ եկեղեցին պետություն էր պետության մեջ: Այդպիսի ասպետական օրդենների կազմակերպման անհրաժեշտություն չէր զգացվում նաև այն պատճառով, որ Կիլիկիայի հայ ձիավոր-ասպետները չէին հետապնդում ուրիշի երկրները զավթելու և կողոպտելու նպատակ, ինչպիսիք էին հոգևոր ասպետական օրդենների նպատակները, այլ հայ ձիավորի նպատակն էր պաշտպանել Կիլիկյան հողում վերականգնված հայ պետականությունը և նրա սահմանները, տպահովել ու պաշտպանել թուրք-սելջուկյան և մոնղոլական արշավանքներից ու բարբարոսություններից մազապուրծ ազատված հայ զանգվածների կյանքն ու ունեցվածքը: 14-րդ դարի Կիլիկյան տաղասաց Հովհաննես Թլկուրանցու կողմից հյուսված «Հայ քաջազուն ասպետ, ավագ մարաջախտ և սպարապետ Լիպարիտի մասին» արձակ դյուցազներգությունը ապացույց է Կիլիկիայի հայ ձիավոր-ասպետի հետապնդած վերահիշյալ վեհ նպատակներին¹⁰⁰, նույն ոգով է ավանդված և տողորված նաև «Ասպետը և իր բնակները»¹⁰¹ ավանդությունը, ինչպես և 13-րդ դարի անանուն հիշատակագրի Սմբատ սպարապետի մահը արձանագրող հիշատակարանը¹⁰²:

100 «Հանդէս Ամսօրեայ», 1933, էջ 129—138:

101 «Կոչնակ», 1931, էջ 234—235:

102 «Բաղմավէպ», 1876, էջ 318: